

MİLLİƏ KAMİON MÜDAFİƏ BARƏDƏ ÇƏRÇİVƏ KONVENSIYA BARƏDƏ

NAVSIXAN

Milliə kamion müdafiə – çı Avropa Şürə haçer hisob kardə məsələonədə qıləye. Bı sahədə əy, hüğoğə cəhətədə məcbürinə Avropa standartonən iştonədəş cəm kardə, yolə kooniş vində.

1994-minnə sori noyabrə manqi 10-minnə rüji Avropa Şürə Milliə kamion müdafiə barədə çərçivə Konvensiyaş ğəbül kardə. In sənəd 1995-minnə sori fevralə manqi 1-minnə rüjiku bo ğol kəşero obə, 1998-minnə sori fevralə manqi 1-minnə rüjiku isə boy bə zü peniştə. Çərçivə Konvensiya ratifikasiya kardə yaənki bəy ğol kəşə Avropa Şürə üzvə devləton iyən bəy üzv nıbə devləton siyahi 1 nümərynə əlavədə doə bə.

Çərçivə Konvensiya milliə kamion müdafiə barədə çı Avropa Şürə iminnə müqavilə niy. Əmma in sənəd bı sahədə bə nav doə bə ən yolə hatərəfinə sənədə. Həğiğətən, çərçivə Konvensiya bo imrününə rüji hüğoğə cəhətədə jəgo qıləy məcbürinə hatərəfinə sənədə ki, həmməəvo əçəy əsasə məğsəd milliə kamion müdafiə kardeye, ijən əv dırışt elon kardədə ki, milliə kamion müdafiə çı insonə həxon müdafiə tərkibə poəye.

Çərçivə Konvensiya ğəbül karde – çı Avropa Şürə Naziron Komitə 1998-minnə sori noyabrə manqi 8-9-minnə rüjonədə dəvardə Vyana sammiti aspardəyonky beşə nəticəye: «Milliə kamion müdafiə təmin kardero Rozi bə Tərəfon tərəfdor be məcbür kardə prinsipion hozı karde lozime. In sənəd bo Avropa Şürə üzv nıbə devlətonən ğol kəşero oj bəbe».

Bo çərçivə Konvensiya hozı kardero 1993-minnə sori noyabrə manqədə Naziron Komitə, çı Avropa Şura har üzvikü de i kəs be şərti (bəvədə əvon 32 qılə bin), milliə kamion müdafiə kardero Koəkə Komitə (CAHMİN) binoş karde. CAHMİN 1994-minnə sori yanvarə manqədə binoş karde bəştə koy, həmonə sori oktyabrə manqədə çərçivə Konvensiya layihə iyən əy izoh kardə hisobotış hozı karde.

CAHMİN çı çərçivə Konvensiya layihə səpe ko kardeədə çı ABƏT-i (Avropədə Bətəhlükəti iyən Əməkdaşəti Təşkilot) (bəvədə ABƏM) Kopenhagenədə ğəbül kardə bə sənədonədə iyən əçəy co sənədonədə milliə kamion müdafiə barədə nıviştə bə ehdəmononış xüsüsü bə nəzər sə, də məğsədi ki, Vyana sammitədə bə qəror ome ğəzinə, bı ehdəmonon imkoni daxilədə hüğoğə məcbürinə formə bıda.

Çərçivə Konvensiya məzmün

Bəştə xarakteri qorə çərçivə Konvensiya çı «soyə» (adi) konvensiyaonkü fərğış heste. Çərçivə Konvensiya fərğ bəvədəyə ki, əv imrününə rüjədə çı beynəlxəlğə həxon hüğoğə məcbürinə diləqe. Bəçəy nomi «çərçivə» sıxani dəğande ə mənə doədə ki, bı diləqədə nıviştə bə prinsipion devləton – çı Avropa Şürə üzivon daxilədə həxonədə bə i sə tətbiğ bedənin, əmma əvon de milliə ğanünədətə akton iyən

həmrrəğə hüküməti siyasəti bəpe tətbiq bībün. Çı çərçivə Konvensiya xüsusiə xarakter iştəni əçəy 2-minnə Poədə sof-oşko nişon doədə ki, vəyoən əsasən proqramə tisbirədə müddəon nıvıstə bən.

Çərçivə Konvensiya penc poəkü, navsıxanikü iyən 32 maddəkü iborəte.

CAHMİN praqmatikə nezbeəti (urusi: podxod) bə pe qətedə, bə qorə bə «milliə kamion» ifadə çərçivə Konvensiyadə izoh doədəni. Çimiyən əsasə səbəb detobə imrūjnə rūji çı Avropa Şürə üzvə devləton həmmə müdafiə kardə izohi pəydo karde mımkün nıbeyə.

İminnə Poədə kali prinsipən, vəyo həməən «milliə kamion iyən bı joğə kamion mənşüb bə şəxson həxon iyən ozodətion müdafiə çı insoni həxon beynəlxəlğə müdafiəkü co nıbə poəy» ğəzinə prinsipən iştə vırəşon sə. Bı poədə həməən elan kardə bedə ki, bə milliə kamion mənşüb bə har qılə şəxsi iştəni jələvon (jəğə) hisob karde yaən nıkarde ozod vıjnıe həxiş heste, jıqə vıjnı yaən demi anqıl bə həxon bə jimən dəvonie həmonə şəxsi bəpe bevəcə vəziyyətədə nınə.

Dıminnə Poə çı çərçivə Konvensiya əsasə operativə poə hisob bedə. İyo konkretə prinsipən iştənədə ehtivo kardə müddəon vırəşon sə. In prinsipən hovüjə spektrədə məsələon əhotə kardədən. Bımi daxile:

- çımını-iştəni ğədəğən karde;
- həğigie bərobərəti bə nav doe;
- mədəniyyətə oğəte iyən ozavziyero, ijənən dini, zıvoni, ənənəon oğətero vəcinə şəraitı bino karde bə nav doe;
- iclos, assosiasiyə, sıxan vote, fikir, vicdon iyən dinə ozodəti;
- bə həmmə informasiya vasitəon imkon rəse iyən əvoni ozod oko doe;
- çı zıvoni ozodəti:
- milliə kamion zıvoni iştə jimənədə iyən ictimaiə vırəonədə ijənən de inzibatıe orqanon münasibətədə oko doe;
- milliə kami zıvonədə bə fəmiliyə oko doe;
- şəxsiə xarakterədə bə informasiya çı kamion zıvonədə noe;
- topoqrafikə informasiya çı kamion zıvonədə oko doe;

- təhsil:
- çı kamion zıvoni omüte iyən bı zıvonədə təhsil se həx;
- təhsilə müəssison ejəne həx;
- de sərhədi də tərəfi əloğə oğəte;
- beynəlxəlğə iyən sərhədəkənoə əməkdaşəti;
- iğtisodi, mədəni iyən ictimoiyə jimənədə iştirok karde;
- züyeqətə assimilyasiya ğədəğən karde.

Çı prinsipənədə kali qıləon çı insoni həxon barədə Avropa Konvensiyadə iştə vırəşon sə. Əvoni bə çərçivə Konvensiya dəğande həm bəvon hatərəfinə xarakter doero, həməən ki, çı çərçivə Konvensiya bə Avropa Şürə üzv nıbə devləton (ehənə

əvon çı Naziron Komitə kü müəyyən təklifon bıstənon) dimi oj be qorə əhəmiyyətş veye.

Pentono çoko ğeyd kardə bə, Diminnə Poə redaktə kardeədə bə proqramə tipinə müddəon xüsusə aksent kardə bə. In müddəon müəyyənə məğsədon ifadə kardedən ki, əvən çı çərçivə Konvensiya üzvə devləton vədə millie səviyyədə həmrəğə ğanünədətə akton iyən hüküməti tədbiron vindero vəzifəon noədə. Ğəyrəz bimi iyo dıtarəfə iyən vetərəfə müğaviləon dəbastero in müddəon bə vırə rosniə imkonon nəzərədə qətə bən.

Seminə Poədə çı çərçivə Konvensiya izohi barədə kali müddəon ıstə vırəşon sə. İyo, məsələn, çərçivə Konvensiyədə hiç qılə ğaydə çı devləton ərozi bitovəti iyən siyasie müstəğiləti zidd konsə hərəkəti ro doe həxi heste ğəzinə yaənki co beynəlxəlgə sənədonədə iyən millie ğanünədətiədə nıvıstə bə insonə həxon iyən ozodətion komisə bə kam karde ğəzinə izoh karde əbini müddəon ğeyd kardə bən.

Çominə Poədə çərçivə Konvensiya nəzorətə mexanizmi xarakteristika doə bə. Bı barədə hırhovüjə informasiya jintono doə bəbe.

Oxonə müddəon **Pencminə Poədə** ifadə kardə bən. Pentono çoko ğeyd kardə bə, çərçivə Konvensiya – im ojə konvensiyaye: Avropa Şürə üzv nıbə devləton de Naziron Komitə məsləhəti bəy ümjən be bəzinen, imən bo ABƏT-i üzivonro xüsusi əhəmiyyətine. Çərçivə Konvensiya bəy ıstə rozietə ifadə kardə har qılə devlətiro ratifikasiya barədə sənəd bo oqəte təhvil doə bəpeşt, se manqi bədiqə omə manqi ikü bə ğıvvə penıstədə.

Çərçivə Konvensiya bə vırə rosniə səpe nəzorət

Çı Rozi bə Tərəfon Çərçivə Konvensiya bə vırə rosniə barədə ğıyməti Naziron Komitə doədə, Məşvərətə Komitə bı sahədə bəy koməq kardedə. Rozi bə Tərəfon çərçivə Konvensiya bə çəvon münasibət bə ğıvvə penışte bəpeşt, i sori dilədə çı Konvensiya prinsipəon bə vırə rosniə barədə kardə bə ğanünədəti ijənən co tədbiron barədə ətrofinə informasiya ıstənədə ifadə kardə hisobot bə pe edaşto. Çımi bəpeşt hisoboton mütəmədi (ha penc sorədə i kərə) yaənki Naziron Komitə bı barədə xahiş kardeədə doedən.

Bə çərçivə Konvensiya qorə, Naziron Komitə bəpe Məşvərətə Komitə tərkibi vıjniə ğaydə iyən əçəy koy prosedüra müəyyən bıkə. 1997-minnə sori sentyabrə manqi 17-minnə rüji Naziron Komitə «Millie kamion müdafie barədə çərçivə Konvensiya 24-26-minnə maddəon əsasədə əy bə vırə rosniə qorə prosedüra ğaydəon»ış ğəbül kardə ((97)10 rezolüsiya).

Məşvərətə Komitə bəpe çı Naziron Komitə təyin kardə minimum 12, maksimum 18 nəfərədə iborət bıbü. Əsasə üzivon sıyohi 2-minnə Əlavədə doə bə. Har qılə Rozi bə Tərəf bə jinə tələbon cəvob doə namizədon doe bəzine:

- millie kamion müdafie sahədə məşhürə odəm;

- bə şəxsiə keyfiyətədə çıxış karde, müstəğilə, betəmənno iyən Məşvərətə Komitədə səmərəynə ko karde imkoni malik be.

Həni bəştə ko bino kardə Məşvərətə Komitə vəzifə Rozi bə Tərəfonkü bə Avropa Şürə omə hisoboton diə karde, əvoni oj-oji elon karde iyən Rozi bə Tərəfon bı sahədə vində tədbiron barədə iştə fikiri hozı kardeye. Bı vəzifə qorə Məşvərətə Komitə iştə koədə jinə metodon oko doədə:

- əv Rozi bə Tərəfonkü əlavə informasiya tələb karde bəzine;

- əv co mənbəonkü: co-co şəxsonkü, çı ni-hükümətə təşkilatonkü (NHT) i.c. informasiya se bəzine (əmma bə nəzə se lozime ki, Məşvərətə Komitə de fərdiyə şikoyəton məşğül bedəni):

- əv de co mənbəonkü, bı barədə Naziron Komitə xəbə karde şərti, informasiya tələb karde bəzine:

- əv de hüküməti nı moyondəon vindemon dəvonie bəzine, joqo vindemon bı barədə həmrəğə hükümət xahiş kardeədə, məcburiye;

- əv, gərəyz həmrəğə hüküməti vindemoni, de co mənbəonən vindemon karde bəzine, de şərti ki, bı barədə Naziron Komitə xüsusiə mandatış bıbü.

Məşvərətə Komitə fikiri zınəy bəpeşt, Naziron Komitə çı Rozi bə Tərəfon vində adekvatə tədbiron barədə oxonə gərəri gəbül kardədə, bəyən ray votedən. Tələb beədə əv müəyyənə rekomendasiyaon gəbül karde bəzine, əvoni bə həmrəğə Rozi bə Tərəfi viğande bəzine.

Naziron Komitə ray yaənki rekomendasiya gəbül be bəpeşt çı Rozi bə Tərəfi bə Məşvərətə Komitə omə fikirii münasibətədə doə bə de har qılə komentariyə bə ico əv oj-oji elan kardə bedə. Məşvərətə Komitə omə fikironən, adətən, de Naziron Komitə ray bə ico elon kardə bedə.

Naziron Komitə iştə ray iyən rekomendasiyaon bə vırə rosnie müşahidə kardero Məşvərətə Komitə cəlb karde bəzine.

Rozi bə Tərəfon iştə iminnə hisoboton 1999-minnə sori fevralə manqi 1-minnə rüji (çərçivə Konvensiya bə gıvvə penište bəbeştə i sori müddəatədə) edaştışone. 1999-minnə sori dilədə Məşvərətə Komitə 23 qılə devlətikü hisobotış se.

Bı barədə həniyən ətrofinə informasiya sero bı adres müraciət karde bəzineon:

İnsənə həxon qorə Departament,
milliə kamion şebə.
F-67075 Strasbourg Cedex
(telefon: 03 88 412963;
faks: 03 88 412793;
E-mail: nadia.khafaji@coe.int)

Bə Çərçivə Konvensiya gəl kəşə iyən əy ratifikasiya kardə devləton tojə kardə bə siyohi İnternetədə, çı Avropa Şürə sayti (<http://www.coe.int>) səhifəonədə pəydo karde bəzineon.

MİLLİƏ KAMİON MÜDAFİƏ BARƏDƏ ÇƏRÇİVƏ KONVENSIYA

- Avropa Şürə üzvə devləton ümumiə noiliyyət hisob bə idealon iyən prinsipion müdafie karde iyən ozavzinie xatır çəvon arədə ittifoği həniyən gəym karde çı Avropa Şürə məğsəd hisob kardə;

-çı insoni həxon iyən əsasə ozodətion müdafie iyən bı sahədə vəziyyəti həniyən çok karde bə məğsədi rəsəro qıləy vositə hisob kardə;

-1993-minnə sori oktyabrə manqi 9-də Vyanədə gəbül kardə bə çı Avropa Şürə üzvə devləton iyən hüküməton yolon Bəyonnomə bə jimon dəvoniero hozı be ifadə kardə;

-ıştə əroziyədə bə milliə kamion hesti müdofə kardero hozı bə;

-Avropa tarixədə bə təlatümon, Avropa qitədə sobitəti, demokratikə betəhlükəti iyən əmniyyətiro çı milliə kamion müdafie mihümə əhəmiyyət kəsb karde sıbüt karde etirof kardə;

-pluralistə iyən həğiğətən demokratikə cəmiyyəti bə milliə kamion mənşüb bə şəxson etnikə, mədəniə, zıvonə iyən dinə iştənəməxsüsəti ancax hürmət karde ne, həməən bo in iştənəməxsüsəti ifadə karde, niğo doe iyən ozavzinie təmin kardə şəroiti soxtə vocib hisob kardə;

-mədəniə ranqrisinəti çı har qılə cəmiyyəti vilo karde ne, həniyən ozavziye mənəbə iyən amil bəro tolerantə iyən dialoqə şəroiti soxtə vocibəti famə;

-çı tovvardə iyən ovc kardə Avropa ozavziye ancax çı devləton arədə əməkdaşətikü ne, həməən çı har qılə devləti konstitüsiyənə iyən əroziyə bitovəti çərçivədə çəvon sərhədi dırozi bə vırəon iyən rejonon hüküməti orqanon de iyəndı əməkdaşəti əsasədə mımkün be gəbül kardə;

-çı İnsənə Həxon iyən Əsasə Ozodətion Müdafie barədə Konvensiya iyən bəy əlavə kardə bə Protokolon gəbül kardə;

-çı İbə Milləton Təşkiloti bəyonnoməonədə iyən çı Avropədə Betəhlükəti iyən Əməkdaşəti Müşavirə sənədonədə, əzcümlə 1990-minnə sori iyünə manqi 2-də Kopenhagenədə gəbül kardə bə sənədədə milliə kamion müdafie karde barədə ifadə kardə bə vəzifəon bə nəzər sə;

-de gənanı aliəti, əroziyə bitovəti iyən devlətə süvereniteti niğo doe şərti, milliə kamion iyən bəvon mənşüb bə şəxson həxon iyən ozodətion müdafie təmin kardero riayət kardənin bə prinsipion iyən çəvonkü bə nav omə vəzifəon mıyyəən kardero səhe hozı be nımoyiş kardə;

-çı milliə gənanədəti iyən müvafiğə devlətə siyosəti əsasədə in çərçivə Konvensiyədə təsbit kardə bə prinsipion bə jimon dəvoniero səhe hozı be nımoyiş kardovniə

bə esətnə çərçivə Konvensiya gəl kəşə Avropa Şürə üzvə devləton iyən co devləton, jintono nıvıştəyon barədə bə ray omedən:

I POƏ

Maddə 1

Milliə kamion iyən bəvon mənsüb bə şəxson həxon iyən ozodətion müdafie çı insonə həxon beynəlxəlğə müdafie co nıbə poəye, bı mənəədə çı beynəlxəlğə əməkdaşəti qıləy sahəye.

Maddə 2

Çı in çərçivə Konvensiya müddəaon de vicdoni iyəndı dərəse iyən de iyəndı sülük karde iyən bə devləton arədə xəymandə hamsiyəti, düstə münasibəton iyən əməkdaşəti prinsipəon riayət karde şərti tətbiğ kardə bedən.

Maddə 3

1. Bə milliə kamion mənsüb bə har qılə şəxsi ıstəni jələvon hisob karde yaən nıkarde ozod vıjnıe həxiş heste, jıqo vıjn yaən demi anqıl bə həxon bə jimon dəvonie həmonə şəxsi bəpe bevəcə vəziyyətədə nınə.

2. Bə milliə kamion mənsüb bə har qılə şəxs ıstəne çərçivə Konvensiyədə ğoym kardə bə prinsipəonkü bə nav omə həxon iyən ozodətion coylinə iyən de co kəson i vırədə oko doe bəzine.

II Poə

Maddə 4

1. Tərəfon bə milliə kamion mənsüb bə har qılə şəxsi çı ğanüni vədə bərobərəti iyən ğanüni əvoni bərobər müdafie karde təminot doedən. Bıçımı qorə de milliə kamion mənsüb be əsasi har curə çımını-ıstəni ğədəğəne.

2. Tərəfon, zəruriə holonədə çı ıqtisodie, sosialə, siyosie iyən mədəniə jimoni həmmə sahəonədə bə milliə kamion mənsüb bə şəxson de çı əholi əsasə qrupi mənsüb bə şəxson arədə təmomə iyən həğiğie bərobərəti təsviğ karderə lozim bə tədbiron vınde bəştə ehdə peğətədən. Demi əloğədə, tərəfon bə milliə kamion mənsüb bə şəxson konkretə vəziyyəti lozim bə səviyyədə bə nəzər sedən.

3. Çı 2-minnə bəndi əsasədə vınde bə tədbiron bənə çımını-ıstəni akti çı nəzərikü dəvonie bedənin.

Maddə 5

1. Tərəfon bə milliə kamion mənsüb bə şəxson ıstə mədəniyyəti nığo doe iyən ozavzinie, həmçinin, ıstə ıstənəməxsüsəti əsasə elementon, məhz: dini, zıvoni, ənənəon iyən mədəniə irsi nığo doe təmin kardə şəroiti soxtə bəştə ehdə peğətədən.

2. Bə ıstə ümümiə inteqrasiya siyosəti dəvonie sahədə ğəbül kardə bə tədbiron de xələl nıvarde şərti, Tərəfon bə milliə kamion mənsüb bə şəxson bə çəvon irodə vəynə (əleyh) əvoni assimilyasiya karde məğsədədə bə har qılə siyosie iyən əməlinə

hərəkəton nıkarde bəştə ehdə peğətədən iyən həmonə şəxson jələvonə assimilyasiyakü müdafie kardedən.

Maddə 6

1. Tərəfon çı mədəniyyəton arədə tolerantəti rüfi iyən dialoqi təşviğ bəkarden, həmçinin etnikə, mədəniə, zıvonə yaən dinə mənsubiyyətikü bə şıkırə nıbə, çəvon ərozionədə jə həmmə şəxson arədə, əzcümlə çı təhsili, mədəniyyəti iyən informasiya vasitəon sahədə bə iyəndı hürməti iyəndı dərəse iyən de iyəndı əməkdaşəti karde səbəb bero səmərəynə tədbiron bəsoxtən.

2. Tərəfon bəştə etnikə, mədəniə, zıvonə yaən dinə mənsubiyyəti qorə çı tarslarzi iyən çimini-ıştəni akton, dışmenəti yaən zilmi obyekt be zınə şəxson müdafie kardero qərək bə həmmə tədbiron vinde bəştə ehdə peğətədən.

Maddə 7

Tərəfon bə millie kamion mənsub bə har qılə şəxsi dincə yığnəğon ozodəti iyən cəmiyyəton ozodəti, ıstə ray ifadə karde ozodəti iyən fikirə, vicdonə iyən dinə ozodəti həxi hürmət karde təmin kardedən.

Maddə 8

Tərəfon bə dinə kamion mənsub bə har qılə şəxsi oj-oji ıstə dini etiğodi karde yaən etiğodi ifadə karde həxi, həmçinin dinə müəssisəon, təşkiloton iyən cəmiyyəton soxtə həxi etirof karde bəştə ehdə peğətədən.

Maddə 9

1. Tərəfon be devlətə orqanon mıdoxilə iyən sərhədonkü bə şıkırə nıbə, bə millie kamion mənsub bə har qılə şəxsi çı kami zıvonədə har qılə ray iyən informasiya yaən ideyaon se iyən əy bə iyəndı doe ozodəti bəçəy ıstə fikiri ifadə karde ozodəti daxil be ğəbül karde bəştə ehdə peğətədən. Hüğoğə sistemon çərçivədə Tərəfon bə millie kamion mənsub bə şəxson bə informasiya vasitəon soyb be sahədə bə çimini-ıştəni məruz nımande təmin bəkarden.

2. 1-minnə bənd be hiç qılə çimini-ıştəni iyən obyektivə meyaron əsasədə bo radio doemonon, sadosimo doemonon yaən kino müəssisəon rısxətə rejim tətbiğ kardero bə Tərəfon mane bedəni.

3. Tərəfon bə millie kamion mənsub bə şəxson çapə nəşron baste iyən çəvonədə oko doe mane bedənin. Əvon radio, televiziya doemoni həxon əsasi çərçivədə mümkün bə həddədə iyən çı maddə 1-minnə bəndi ğaydəon bə nəzər se çərçivədə bə millie kamion mənsub bə şəxson ıstə informasiya vasitəon soxtə iyən çəvonədə oko doe imkoni təmin kardedən.

4. ıstə hüğoğə sistemon çərçivədə Tərəfon de tolerantəti iyən mədəniə plüralizmi təşviğ karde məğsədi, bə millie kamion mənsub bə şəxson bə informasiya vasitəon dast rəse hoston kardero loziminə tədbiron vindedən.

Maddə 10

1. Tərəfon bə millie kamion mənsüb bə har qılə şəxsi iştə şəxsiə jimonədə iyən ictimoiyə vırəonədə iştə zıvoni şifohi iyən nıvişte ğaydədə ozod iyən bemanə oko doe həxi ğəbül karde bəştə ehdə peğətədən.

2. Bə millie kamion mənsüb bə şəxson ənəhoy yaən ənənəviə jiə coğrafie rəyononədə, ehanə həmonə şəxson xahiş kardədənbü iyən jəqo xahişon bə realə tələbaton cəvob doədənbü, Tərəfon imkon bə səviyyədə çı kamion zıvoni çı həmonə şəxson iştən arədə iyən çəvon de inzibatie orqanon mınosibotonədə oko doe təmin kardero hərəkət bəkardən.

3. Tərəfon bə millie kamion mənsüb bə har qılə şəxsi çəy həbs karde səbəbon, bəy təğdim kardə bə ittihomon xarakteri iyən səbəbon barədə ən kirtə müddəatədə çəy sərəsə zıvonədə informasiya se, həmçinin çəy bı zıvonədə iştəni müdafie karde, bımədə lozim bə dilmoci koməqi bepul se həxi təmin karde bəştə ehdə peğətədən.

Maddə 11

1. Tərəfon bə millie kamion mənsüb bə har qılə şəxsi bı zıvonədə iştə fəmilie, nomi iyən pıə nomi oko doe, həmçinin de çəvon hüğogə sistemon ümjənə tisbirədə əvoni rəsmən etirof karde həxi ğəbül karde bəştə ehdə peğətədən.

2. Tərəfon bə millie kamion mənsüb bə har qılə şəxsi çı məxloği çəşəvədə iştə kami zıvonədə levhəon, nıviştəyon iyən co şəxsiə informasiyaon ehašte həxi zıne bəştə ehdə peğətədən.

3. Bə millie kamion mənsüb bə ənəhoy odəmi ənənəviə jiə rəyononədə, iştə hüğogə sistemon çərçivədə, de zərürət beədə de co devləton soziş basteən daxıl be şərti, Tərəfon bə konkretə şəroiti ümjənə şikilədə, ehanə bə jəqo informasiya zərürət hestebü, ənənəviə vırə nomon, küçə nomon iyən co topoqrafikə informasiyaon bo məxloğiro həmən çı kami zıvonədə nıvişte təmin kardədən.

Maddə 12

1. Tərəfon zərürət beədə de həm iştə millie kamion, həmən çı əholi əsasə qrupi mədəniyyəti, tarixi, zıvoni iyən dini omüte məğsədi təhsilə iyən elmiə tədğığaton sahədə tədbiron soxtədən.

2. Bı kontekstədə Tərəfon əzcümlə bo müəllimon hozı karde iyən məktəbə dərsəvonon hozı kardero qərək bə şəroit soxtədən, həmçinin çı co-co icmaon şoqirdon iyən müəllimon arədə əlağəon ovc kardonedən.

3. Tərəfon bə millie kamion mənsüb bə şəxson həmmə səviyyəonədə təhsil se hoston kardero bərobərə imkonon təmin karde bəştə ehdə peğətədən.

Maddə 13

1. İştə təhsilə sistemon çərçivədə Tərəfon bə millie kamion mənsüb bə şəxson təhsil se iyən mütəxəssis hozı karde sahədə iştə xüsüsünə müəssisəon soxtə iyən bəvon yolyəti karde həxi etirof kardədən.

2. In həxi bə jimon dəvonie çı Tərəfon vədə hiç qılə maliyyə ehdəmon noədəni.

Maddə 14

1. Tərəfon bə millie kamion mənsüb bə har qılə şəxsi iştə zıvoni omüte həxi etirof karde bəştə ehdə peğətedən.

2. Bə millie kamion mənsüb bə şəxson ənəhoy yaən ənənəvi jİə coğrafie rəyonədə, bİmi zərürİə tələbat bə holonədə, Tərəfon imkon bə vırədə İyən İştə təhsilə sistemən çərçivədə bİ millie kamion mənsüb bə şəxson İştə zıvoni omüte İyən bİ zıvonədə təhsil sero zərürİə imkoni təmin karde bəştə ehdə peğətedən.

3. Çı in maddə 2-minnə bənd jıqo bə jimon dəvonİə bedə ki, əv bə rəsmiyə zıvoni tədrisi İyən bə zıvonədə dərs dəvonİe xələl nİvə.

Maddə 15

Tərəfon bə millie kamion mənsüb bə şəxson mədəniə, ictimaiə İyən İğtisodie jimonədə, həmçinin əzcümlə bəvon aid bə məsələonədə devlətə koonədə səmərəynə İştirok kardero loziminə şəroit soxtə bəştə ehdə peğətedən.

Maddə 16

Tərəfon bə millie kamion mənsüb bə şəxson jİə har qılə coğrafie rəyonədə çı əholi soxtemonə tərkibi dəqiş kardə, demİən bə bİ çərçivə Konvensiyadə nİviştə bə prinsiponkü bə nav omə həxon İyən ozodətion xələl varde məğsədədə bə tədbiron soxtəkü dast kəşədən.

Maddə 17

1. Tərəfon bə millie kamion mənsüb bə şəxson de çı co devləti əroziədə jİə, əzcümlə de deyəvon eyzənə mədəniə, zıvonə yaən dinə ümümiə etnikə mənşübiyyətinə yaən mədəniə irsinə odəmon sərhədi dİrozi ozod İyən dincə əlağəon soxtə İyən oqəte həxi bə vırə rosnie mane nİbe bəştə ehdə peğətedən.

2. Tərəfon bə millie kamion mənsüb bə şəxson həm millie, həmən beynəlxəlğə səviyyəonədə çı ni-hükümətə təşkilaton fəaliyyədədə İştirok karde həxi bə vırə rosnie mane nİbe bəştə ehdə peğətedən.

Maddə 18

1. Bə həmrəğə millie kamion mənsüb bə şəxson müdafie təmin kardero Tərəfon zərürət bə holonədə de co devləton, həmçinin de hamsiyə devləton dİtərəfinə İyən vətərəfinə sozişon dəbastero hərəkət karde bəştə ehdə peğətedən.

2. Tərəfon həmrəğə holonədə çı sərhədi dİrozi əməkdaşəti ovc kardero tədbiron soxtədən.

Maddə 19

Tərəfon bə isətnə çərçivə Konvensiyadə nəzərədə qətə bə prinsipən riayət karde iyən əvoni bə vırə rosniə bəşdə ehdə peğətedən. In vaxt əvon ancax beynəlxəlğə hüğoğə sənədonədə, əzcümlə İnsənə Həxon iyən Əsasə Ozodətion Müdafie barədə Konvensiyadə nəzərədə qətə bə məhdüdiyyəton iyən bə dümo oqardəyon, iştənən nişon doə prinsipenkü bə nav omə həxon iyən ozodətion aid bə dərəcədə vinde bəzinen.

III Poə

Maddə 20

Esətnə çərçivə Konvensiyadə ifadə kardə bə prinsipenkü bə nav omə həxon iyən ozodətion bə jimon dəvoniyeədə bə millie kamion mənsub bə har qılə şəxs bə millie ğanünədəti riayət kardədə iyən bə co şəxson, əzcümlə bə əholi əsasə qrupi yaən bə co millie kamion mənsub bə şəxson həxon hürmət kardədə.

Maddə 21

Isətnə çərçivə Konvensiyadə bə hiç qılə ğaydə bə konsə şəxsi beynəlxəlğə hüğüi əsasi təşkil kardə prinsipən, əzcümlə çı devləton süverenə bərobərəti, ərozi bitovəti iyən siyasiə müstəğiləti prinsipən zid bə har qılə fəoliyyəti yaən hərəkəti karde zine ğəzinə şərh karde əbini.

Maddə 22

Isətnə çərçivə Konvensiya hiç qılə ğaydə çı Tərəfon konsə qıləy ğanünədəti yaən çı mığovilə bastə Tərəfi iştirok kardə har qılə co Konvensiya əsasədə ğəbül kardə insənə həxon iyən co əsasə ozodətion konsə qıləy bə kam karde yaənki bənə kam karde ğəzinə şərh karde əbini.

Maddə 23

Isətnə çərçivə Konvensiyadə nəzərədə qətə bə prinsipenkü bə nav omə həxon iyən ozodətion çı İnseni Həxon iyən Əsasə Ozodətion Müdafie barədə Konvensiya iyən bəy əlavə kardə bə protokolon predmet bə iyəndı səpe equniyə həmrəğə müddəon, oxonə sənəpədədə çoknəy, jəğə dərəse qərəke.

IV Pöä

Maddä 24

1. Çı Tərəfon isətnə çərçivə Konvensiya bə vırə rosniə səpe nəzorəti Avropa Şürə Naziron Komitə kardedə.
2. Çı Avropa Şürə üzv nıbə Tərəfon isətnə çərçivə Konvensiya implementasiya mexanizmonədə müəyyən bə de co şərton əsasədə iştirok kardedən.

Maddä 25

1. Isətnə çərçivə Konvensiya bə Tərəfon har qılə münasibətədə bə ğıvə penište bəpeşt i sori dilədə həmonə Tərəf Konvensiyadə nıvıştə bə prinsipən bə vırə rosniəro ğəbül kardə bə ğanünədotiə tədbiron iyən co tədbiron barədə bə Avropa Şürə Yolə Katibi mıfəssələ məlümot doədə.
2. Peş bimi har qılə Tərəf mütəmədi iyən çı Naziron Komitəkü bı barədə xahiş daxil beədə isətnə çərçivə Konvensiya bə vırə rosniə barədə har qılə məlümoti bə Yolə Katibi doədə.
3. Yolə Katib de isətnə maddə şərton həmrəğə ğaydədə bəy doə bə məlümaton bə Naziron Komitə vıgandedə.

Maddä 26

1. Naziron Komitə çı har qılə Tərəfi isətnə çərçivə Konvensiyadə nıvıştə bə prinsipən bə vırə rosniə qorə vində adekvatə tədbiron ğıymət doədə millie kamion müdafiə sahədə ve səriştəş bə mütəxəssisonədə tümo kardə bə Məşvərətə Komitəkü koməq sedə.
2. In Məşvərətə Komitə tərkibi iyən əçəy ko prosedüra isətnə çərçivə Konvensiya bə ğıvə penište bəpeşt i sori dilədə Naziron Komitə müəyyən kardedə.

V Pöä

Maddä 27

Isətnə çərçivə Konvensiya bo Avropa Şürə üzvə devləton ğol kəşero oje. Konvensiya iyən de tosə bə ğıvə penište rüji Naziron Komitə dəvət kardə bo co devlətonroən ğol kəşero oje. Konvensiya bəpe ratifikasiya kardə bıbü, ğəbül kardə bıbü, bəqəm kardə bıbü. Ratifikasiya, ğəbül, bəqəm kardə be barədə sənədon bo oğətero bə Avropa Şürə Yolə Katibi doedən.

Maddä 28

1. Isətnə çərçivə Konvensiya bə Avropa Şürə üzvə 12 qılə devlət bə 27-minnə maddə normaon əsasədə in Konvensiya dəbaste ray doə rüjiku se manq dəvardə bəpeşt omə manqi iminə rüjiku bə ğıvə peniştədə.
2. Çımi bəpeşt isətnə çərçivə Konvensiya dəbaste rozi bə har qılə devlətiro Konvensiya əçəy ratifikasiya karde, ğəbül karde iyən bəqəm karde bəreədə sənədon

bo oqəte doə rüjiku se manq dəvardə bəpeşt omə manqi iminnə rüjiku bə ğıvvə peniştədə.

Maddə 29

1. İsatnə çərçivə Konvensiya bə ğıvvə penište iyən de Tərəfon məsləhət karde bəpeşt Avropa Şürə Naziron Komitə çı Avropa Şürə Nizamnamə 20-minnə maddə «d» bəndədə nəzərədə qətə bə ğaydədə, de veə sədo ğəbül kardə bə ğərori, bə Avropa Şürə üzv nıbə, bə isətnə Konvensiya 27-minnə maddə həmrəğ bəy ğol kəşe dəvət sə, əmma hələ ğol nıkəşə devləton iyən çı Avropa Şürə üzv nıbə har qılə co devləti isətnə çərçivə Konvensiya ümüj be təklif karde bəzine.

2. Bəy ümüj bə har qılə devlətiro çərçivə Konvensiya ümüj be barədə sənədon oğətero bə Avropa Şürə Yolə Katibi doekü se manq bəpeşt omə manqi ikü bə ğıvvə peniştədə.

Maddə 30

1. Har qılə devlət ğol kəşe devrədə iyən ratifikasiya karde, ğəbül karde, bəqəm karde iyən ümüj be barədə sənədon bo oğətero doeədə bə kom ərozi yaənki ərozion barədə, bə çəvon qorə ki, əv beynəlxəlgə münasibətonədə məsüliyət kırıniyədə, bəvonədə ki, isətnə çərçivə Konvensiya züədəy, bı barədə ğeyd karde bəzine.

2. Peşo har qılə devlət kon vaxtədə bıpiyoşe, bəvədə bə Avropa Şürə Yolə Katibi de ərizə kardə müraciətədə isətnə çərçivə Konvensiya bəştə co ərozionən şamil karde bəzine. İsatnə çərçivə Konvensiya bı joğə əroziədə Yolə Katib ərizə sekü se manq bəpeşt omə manqi ikü bə ğıvvə peniştədə.

3. Çı siftənə dı qılə bəndi əsasədə har qılə ərozi barədə doə bə har qılə ərizə de Yolə Katibi xəbə karde şərti bə dümo peqəte bəbe. Həmonə ğəror çı Yolə Katibi xəbə kardeykü se manq bəpeşt omə manqi ikü bə ğıvvə peniştədə.

Maddə 31

1. Har qılə Tərəf har vaxti bə Avropa Şürə Yolə Katibi de xəbə kardə nıviştəy məktübi isətnə çərçivə Konvensiya denonsasiya karde bəzine.

2. Joğə denonsasiya bı barədə xəbə kardə məktübi çı Yolə Katibi sekü şəş manq bəpeşt omə manqi ikü bə ğıvvə peniştədə.

Maddə 32

Çı Avropa Şürə Yolə Katib bə Avropa Şürə üzvə devləton, isətnə çərçivə Konvensiya ğol kəşə co devləton, bəy ümüj bə həmmə devləton jinə məlümoton xəbə doədə:

1) har qılə ğol kəşe barədə;

2) har qılə ratifikasiya karde, ğəbül karde, bəqəm karde, ümüj be barədə sənədi bo oqəte doe barədə;

3) isətnə çərçivə Konvensiya 28, 29, 30-minnə maddəon əsasədə əçəy bə ğıvvə penište barədə har qılə tarixi barədə;

4) isətnə çərçivə Konvensiya barədə har qılə co hərəkəti, xəbərdorəti iyən məlümoti barədə.

Jintono lozim bə ğaydədə vəkil hisob kardə bə ğol əkəşon bə isətnə çərçivə Konvensiya ümüj be təsdiğ kardero bəy ğol kəşedən.

1995-minnə sori fevralə manqi 1-minnə rüji Strasborqədə inqilis iyən fransızə zıvononədə hozı kardə bə har dı qılə mətn i autentikədən, cəmi i qılə nusxədə bə Avropa Şürə arxiv bo oğətero doə bən. Avropa Şürə Yolə Katib ıstə təsdiğ kardə sürəton bə Avropa Şürə har qılə üzvi iyən isətnə çərçivə Konvensiya ğol kəşə yaənki bəy ümüj bero dəvət kardə bə har qılə devlətonro viğandedə.

Milliə kamion müdafiə barədə çərçivə Konvensiya kommentariya

ÇI MƏSƏLƏ TARİX

1. Milliə kamion vəziyyəti barədə məsələ Avropa Şürədə 40 sori dılədə rə-rə müzakirə bə. Hələ iştə mevcüdəti iminnə sori Parlament Assambleya iştə yüridik iyən inzibatə məsələon barədə Komitə dəklədədə «milliə kamion həxon əniyən vəə hevüjə planədə müdafiə problemij» zınəy. 1961-minnə sori Assambleya məsləhətiş kardije ki, İnsone Həxon iyən Əsasə Ozodətion Müdafiə barədə Konvensiyadə (İHAK) iştəni nivində milliə kamion kami həxon qarantiyə doe məğsədiro bə 2-minnə əlavə protokoli co maddə dəğənde lozime. Həmonnə Konvensiyadə ancax 14-minnə maddədə co-vijneəti barədə mıddədədə bə «milliə kamion assosiasiyaon» ejë doe bə. 285-minnə (1961) rekomendasiyadə təklif hestbe ki, milliə kamion müdafiə barədə maddə layihə jinə redaktədə doe bıbı:

«Bə milliə kamion mənşüb bə şəxsikü iyən əçəy ijma co üzıvönkü çı ictimai gəydəon dılə həddədə çəvon bəştə mədəniyyəti bə həxe iyən iştə zıvoni oko doe, iştə məktəbon bino karde, iştə vijniə zıvonədə təhsil se, bəştə xıdo itoət karde iyən iştə dini icro karde həxon se əbini».

2. Komitə, kom ki, bəy joğə protokoli hozə karde imkoni iyən loziməti barədə məsələ ümüte aspardəşon be, iştə ko detobə təhsil sistemiyədə zıvonədə oko doe dair Belqiyədə zıvoni problemon barədə gəbülbə gəti gərarı oğətişə (Avropa İnsone Həxon Məhkəmə 23 iyul 1968-minnə sori gəbüliş ka, seriyə A, №6 bə gərar). 1973-minnə sori Komitə joğə qılə rəyiş doe ki, yüridik cəhətikü milliə kami həxon barədə bə İHAK əlavə protokol hozə karde xüsusi zərürət ni. Əmma eksperton bə joğə qıləy fikir omən kİ, əgər dı co əsason məğsədi həmrəğ hisob bəbəy, bəvədə yüridik cəhətdən joğə qıləy prtokoli gəbül karde maneə nəbiy.

3. Bı nezono Parlament Assambleya bə Naziron Komitə rekomendasiya doşə ki, kali siyasə iyən hüğəğə problemon, xüsüsən milliə kamion həxon barədə protokol yaən konvensiya hozə karde barədə gəror gəbül bıkə. 1134-minnə (1990) rekomendasiyadə Assambleya fikiri qorə bo milliə kamion müdafiəro zəruri bə prinsipon siyahi iştə vırəş sə. 1991-minnə sori oktyabrə manqədə İnsone Həxon barədə Rəhbərə Komitə (İHRK) joğə qıləy aspardəy səşə ki, Avropa Şürə çı milliə kamion müdafiə qorə iştə fəaliyyəti Avropadə Betəhlükəti iyən Əməkdaşəti barədə Müşavirə iyən İbə Milləton Təşkilati koon nəticə, çəyo Avropa Şürə geydon bə nəzər se əsasədə barde zine qorə hüğəğə iyən siyasə cəhətikü bə şərəiti diə bıkə.

4. 1992-minnə sori mayə manqədə Naziron Komitə bə İHRK joğə qıləy aspardəy doşe ki, milliə kamion müdafiə barədə xüsusi hüğöğə normaon hozə karde imkoni ümüton. Dı məğsədi İHRK Eksperton Komitə düziş karde ki, əvən bəy 1993-minnə sori martədə doə bə dı tojə səlahiyəton Avropa Şürə iyən ABƏT-i i yəndi təmom kardə ko prinsipi bə nəzər se əsasədə, bı sahədə xüsusi hüğöğə normaon məsələ barədə iştə fikiri bəpe bəvoti. İHRK iyən Eksperton Komitə bı məsələ barədə müxtəlif sənədon, xüsüsən Dı Hüğüği bo Demokratiyəro Avropa Kəmissiyə (ve vaxt bəy Venetsiyə Kəmissiyə votedən) hozəş karde milliə kamion həxon müdafiə barədə Avropa konvensiya qorə Təklifon, AİHK Əlavə Protokoli barədə Avstriyə təklifon, çı Assambleya 1201-minnə (1993) Rekomendasiya daxil bə AİHK Əlavə Protokoli proyekt iyən bə co təklifonşon ümüte. Çı ko nəticə gəzinə, İHRK 1993-minnə sori sentyabri 8-də Bə Naziron Komitə məruzəş təğdim karde. Bəvədə bı sahədə təklif karde zinə bən müxtəlif hüğöğə normaon iyən in normaon gəym zinə bən hüğöğə akton iştə vırəşon səbə. Bımədə İHRK gəyd ka be ki, «milliə kamion» termini izoh kardeədə bə konsensüs omə mümkün nıbe.

5. 1993-minnə sori oktyabrə manqi 8-də çı Avropa Şürə üzv bə devləton devlətə iyən hükümətə yoləon barzə səviyyədə dəvardə vindemonədə səhehə qəm şodə be. Bı vindemonədə əvən bə ray omən ki, Avropədə tarixə tələtümön nəticədə ofəyə milliə kamion bəpe müdafiə iyən hürməti oko doə bızınon, imən bo əmniyəti iyən stabilətiro qıləy xəzinəyə. Devləton iyən hüküməton yoləon xüsüsən bə joğə qıləy gəror omən ki, əvən milliə kamion müdafiə karde bəpe bəştə ehdə peqəton. Vyana Deklarasiya dımınə əlavədə bo Naziron Komitə in vəzifəon noə bin:

- ən kamə vaxtədə bo milliə kamion müdafiə təmin karde məğsədiro, riayət karde Rozi bə Devləton səpe qıləy vəzifə gəzinə noəbə prinsipon nişon doə çərçivə Konvensiya hozı karde. In Konvensiya bəpe bo üzv nıbə devlətonroən gəl kəşero oj bıbü.

- İnsönə Həxon barədə Avropa Konvensiya mədəniyyəti sahədə bə fərdiə həxon, xüsüsən bə milliə kamion mənsub bə şəxson təminat doə müddəon iştənədə nəzərədə qətə əlavə Protokoli hozı karde bino bıkən.

6. 1993-minnə sori noyabri 4-də Naziron Komitə çı milliə kamion müdafiə barədə xüsusiə Komitəş (MKMXK) soxte. Vyanədə gəbül kardə bə gəroron nəticəon bəçəy səlahiyyət daxil kardə be. Çı Avropa Şürə üzv bə devlətonkü omə ekspertonədə təşkil kardə bə in Komitə 1994-minnə sori yanvarə manqi oxoədə iştə koş bino karde. Əçəy koədə İNRK, Mədəni Əməkdaşəti barədə Şürə (MƏŞ), kütləvi informasiya vasitəon barədə Rəhbərə komitə (KİVRK) iyən Dı Hüğüği bo Demokratiyəro Avropa Kəmissiyə nümayəndəon iştirokşon karde. Çı ABƏM-i milliə kamion barədə Aliə Komissari iyən çı Avropa İttifoği Komissiyə bı koədə bənə mışohidəvoni iştirokşon karde.

7. 15 aprel 1994-minnə sori MKMXK bə Naziron Komitə arə hisobotış təğdim karde, çəyo əv bə Parlamentə Assambleya doə be (His. 7109). Çı 1994-minnə sori mayə manqədə Naziron Komitə iştə 94-minnə sessiyədə çı Vyana Deklarasiyakü bə

nav omə səlahiyyətəon bə vırə rosneyədə çı Komitə bə dast vardə nəticəonkü rozi mande bə zıvonış varde.

8. Siyosie arbitraji münasibətədə çı çərçivə Konvensiya kali müddəon iyən çı çərçivə Konvensiya tətbiğ karde səpe nəzorəti həxədə müddəon Naziron Komitə coədənə həziş karde (sənəd 517 bis, 7 oktyabr 1994-minnə sorədə çı səlahiyyətinə naziron müşavirə).

9. Çı MKMXK 10-14 oktyabr 1994-minnə sorədə dəvardə iclosədə çı çərçivə Konvensiya layihə bə Naziron Komitə təğdim karde gəror gəbül kardə be. Naziron Komitə iştə 10 noyabr 1994-minnə sorədə dəvardə sessiyadə Konvensiyaş gəbül karde. Çərçivə Konvensiya bo Avropa Şürə üzv bə devlətonro bo gəl kəşe oj be...

ÜMÜMİ ĞEYDON

Çərçivə Konvensiya məğsədon

10. Çərçivə Konvensiya jəgo qıləy sıftənə, vetərəfinə, hüğüiyə-məcbürinə akte ki, əv həmməəvo bə millie kamion müdafiə həsr kardə bə. Əçəy məğsəd çı millie kamion müdafiə təmin kardero çı devləton vəzifə gəzinə riayət kardənin bə hüğüinə prinsipəon dırist kardeye. Demian, Avropa Şürə çı Avropadə Betəhlükəti iyən Əməkdaşəti Müşavirə (ABƏM) gəbül kardə Vyana Deklarasiyadə (2-minnə Əlavə) nəzərədə qətə bə siyosie ehdimonon normativə aktonədə imkon bə vırədə hovüj-hovüji goym karde barədə təklifş bə vırə rosnie.

Nezbeon (urusi: podxodı) iyən əsas tərifon

11. Co-co şəroitəon iyən həl bə problemon de dıgğəti nəzərikü dəvonie bəpeşt çı çərçivə Konvensiya səpe mandəbin, bə qorə ki, ənə əyo əsasə, nımünəviə proğramə müddəon, çı Tərəfon bəştə ehdimonon həmrəğ dümo şə məğsəd nişon doə bə. Bə vırə rosnie məcbürinə tələb nıbə ın müddəon bə həmrəğə devləti müəyyənə dərəcədə bə məğsədi (komi ki, xüsusi holon bə nəzər se imkoni dilədə bə vırə rosnie əvon bəştə ehdəşon peqətə) rəsero ozodə hərəkət karde imkoni doədə.

12. Həməən gəyd karde lozime ki, çı «millie kami» tərif çərçivə Konvensiyadə doə bəni. Bə gəror omən ki, bı mərhələdə bə problemi praqmatik nez be lozime. Imən isətnə devrədə çı Avropa Şürə həmmə üzıvon bəqəm kardə tərifi doe imkoni nıbekü bə nav omedə.

13. Isətnə çarsivə Konvensiyadə iştə vırə sə prinsipəon de millie gənünədəti iyən de müvafiqə hüküməti siyosəti bə vırə rosnedən. Əv kollektivə həxon zinə nəzərədə qətedəni. Əsasən, bə coylinə iyən de co kəson bə ico iştə həxon jimonədə dəvoniero bə

milliə kami mənşüb bə şəxson müdafiə aksent doə bə (maddə 3, bənd 2). Bə planədə çərçivə Konvensiyan bə co beynəlxəlğə sənədonədə tətbiğ kardə bə nezbeon vırə doədə.

Çı Çərçivə Konvensiya soxtemon

14. Peş navsıxani çərçivə Konvensiya əsasə poə omedə, əvən penc poəkü iborətə.

15. 1-minnə poədə çı çərçivə Konvensiya əsasə müddəon izoh kardə əsasə prisipon iştə vırəşon sə.

16. Bə 2-minnə poə çı bəştəmünasibə prinsipon siyahi dəğandə bə.

17. 3-minnə poədə çı çərçivə Konvensiya izoh iyən çəy tətbiğ karde aid bə co-co müddəon bənd kardə bən.

18. 4-minnə poədə çərçivə Konvensiya bə vırə rosne səpe qorə nəzarəti barədə müddəon band bən.

19. 5-minnə poədə bə müddəon çı Avropa Şürə çərçivədə dəbastə bə konvensiyaon iyən rozietion oxonnə müddəon nımünədə nıvıştə bən.

ÇƏRÇIVƏ KONVENSIYA MÜDDƏON KOMMENTARIYA.

NAVSIXAN

20. Navsıxanədə bo in çərçivə Konvensiya hozı karde əsas bə motivon iyən çəy müəllifonkü norohətəti ofəyə minimümə əsasə momenton izah doə bə. Əv de sıxanon bino bedə ki, bı çərçivə Konvensiya çı Avropa Şürə üzv nıbə co devlətonən ğol kəşe bəzinen (diəkə: m. 27).

21. Navsıxanədə çı Avropa Şürə məğsədi iyən bı məğsədi rəse metodonədə qıləy: insonə həxon iyən əsasə ozodətion müdafiə iyən çəvon peşinə ozavziye iştə vırəş qətə.

22. Bəvədə ijən çı isətnə çərçivə Konvensiya fündamenti noə sənəd - bə Avropa Şürə üzvə devləton devləti iyən hüküməti sədə nıştə şəxson Vyana Deklarasiya istinad bə. Navsıxan, əsasən çı ın Deklarasiya, xüsüsən çəy 2-minnə Əlavə təsiri jədə tərtib kardə bə. In sıxanon çı çərçivə Konvensiya 1-minnə iyən 2-minnə hissəonədə doə bə ehdimonon vijnie barədən vote bəbe.

23. Navsıxanədə gərəyz bimi, çı se qılə mənbəi, roste, çəvon məzmün okardə nıbüən, nomon qətə bedə: İnsənə Həxon iyən Əsasə Ozodətion Müdafiə Həxədə Konvensiya (İHAK) iyən çı millie kamion müdafiə barədə ehdimonon nəzərədə qətə bə İMT iyən ABƏM-i normativə akton.

24. Navsıxanədə çı Avropa Şürə iyən çəy üzv bə devləton de millie kamion hesteəti təhlükə ələğədə norohətəti ıstə vırəş sə, ənə oyo bə millie yaənki etnikə kamion, dinə iyən zıvonə kamion mənşüb bə şəxson həxon barədə İMT Deklarasiya 1-minnə maddə 1-minnə bəndi (18 dekabr 1992-minnə sori Yolə Məclisi gəbül ka 47/135-minnə Rezolüsiya) təsiri hiss karde bedə.

25. Çərçivə Konvensiya bə Avropa Şürə üzv nıbə devlətonən oj be qorə iyən de ve tərəfon bəy nez omə təmin karde məqsədi joğə bə gərəor omən ki, çı AİHK-i iyən bəy əlavə kardə bə protokolon təminot doə həxon iyən ozodətionkü bə nav omə kali prinsipənən bə çərçivə Konvensiya dəğəndon (demi ələğədə bə çərçivə Konvensiya 23-minnə maddə diə bıkə).

26. Bə İMT bı sahədə bə konvensiyaon iyən deklarasiyaon, məsələn, çı milki iyən siyosie həxon Pakti (diəkə: 27-minnə maddə), bə millie yaənki etnikə kamion, dinə iyən zıvonə kamion mənşüb bə şəxson həxon barədə Deklarasiya istinad karde dınyo səviyyədə bə qıləy koy gəzinə imi bə yod dəğəndədə. Demien jıqo, bı istinad kardə bə sənədonədə nişon doə bə millie kamion tərif doə bedəni.

27. ABƏM bə bı sahədə bə ehdimonon istinad karde, xısusən çı Vyana Deklarasiya 2-minnə Əlavədə nıvıştə bəyon çı Avropa Şürə ıstə siyosie ehdimonon hüğəğə sənədonədə imkoni dilədə gəym karderə cəhd karde piye nişon doədə. Kopenhagenədə gəbül kardə bə sənədonədə çı çərçivə Konvensiya tərtib karderə istiğamət gəyd kardə bə.

28. Navsıxani oxonəsə navinə bəndədə çı çərçivə Konvensiya əsasə məğsəd dırışt kardə bə: millie kamion iyən bəvon mənşüb bə şəxson həğigie müdafiə. Vəyo həməən xüsusi gəyd bə ki, həğigie müdafiə çı həxon peəti, devləton ərazi bitovəti iyən çəvon millie süverenəti hərmət karde çərçivədə bəpe təmin bıbü.

29. Çı oxonnə bəndi məğsəd çı isətnə çərçivə Konvensiya müddəon çəvon bə i sə məcbürinə tətbiğ kardə be tələb nıkarde nişon doe. In bənd çı devləti dilə hüğoğədə beynəlxəlğə müğaviləon tətbiğ karde planədə bə Tərəfon hüğugi iyən praktikə ğəsd kardedəni.

I Poə

Maddə 1

30. Çı 1-minnə maddə əsasə məğsəd əy dırıst kardeye ki, çı millie kamion müdafie çı insonə həxon beynəlxəlğə müdafiekü co nıbə poəye, əv bə devləton müstəsnəə imtiyazi daxil niy. «Millie kamion müdafie çı insoni həxon beynəlxəlğə müdafiekü co nıbə poəye» - imi təsdiğ karde nişon doedə ki, çı AİHK-i əsasədə tümo kardə bə orqanon isətnə çərçivə Konvensiya izoh karde səlahiyyətışon ni.

31. Bı maddədə həm millie kamion həmmə müdafiekü, həmən bəvon mənsüb bə şəxon həxon iyən ozodətion müdafiekü sıxan şədə. İmon, de iyəndı fərg doə formülirovkaon dırıst nişon doedən ki, isətnə holədə sıxan çı millie kamion kollektivə həxonkü şədəni (bə 3-minnə maddə komentariyaən diə bıkə). Demien jıqo, Tərəfon zinedən ki, çı millie kamion müdafie ancax de bəvon mənsüb bə har qılə şəxsi həxon müdafie karde royi təmin karde bəbe.

Maddə 2

32. Bı maddədə çı çərçivə Konvensiya tətbiğ karde nizomisə noə kali prinsipion pehandə bən. In maddə çı İMT Nizamnamə rosti devləton arədə düstə münasibət iyən əməkdaşəti barədə beynəlxəlğə hüğoğə prinsipion həxədə İMT Deklarasiya (24 oktyabr 1970-minnə sori Yolə Məclisədə ğəbül kardə bə, Qətname 2625) təsiri jıədə tərtib kardə bə. Bı maddədə nişon doə bə prinsipion ümümiə xarakterədən, əvon bə çərçivə Konvensiya zü aid bə sahəonro xüsusie münasibətədən.

Maddə 3

33. In maddə har qılə co bəndədə ğoyım kardə bə, əmma de iyəndı əloğədə bə 2 qılə prinsipış iştənədə cəm kardə.

1-minnə bənd

34. Har çiykü bənav, 1-minnə bənd bə millie kamion mənşüb bə har qılə şəxsi bə millie kami mənşüb be iyən nıbe sərbəstə ğaydədə vijnie ozodəti təminat doədə. In vəziyyət bəy əy həl karde imkon doədə ki, çı çərçivə Konvensiya prinsipokü bənav omə müdafiə oko doe əv arzü kardədə ya ne.

35. In bənd bə hiç kəsi həx doədəni ki, əv bə millie kami mənşüb be iştənbəsə bıvijnə. Har kəsi sübyektivə vijnəti çı həmonə şəxsi i-curəti barədə obyektivə meyarəon ğoym-ğoymi ələğədəy.

36. 1-minnə bənd miyyəən kardədə ki, təminat doə bə çı ozodə vijnətikü iyən de vijnəti ələğədə bə həxon bə jimon dəvonero hiç qılə arzü nıkardə nəticə bə nav omə əzini. Müddəa in pəə təminat doədə ki, ozodə vijnəti oko doe hətto bə hiç qılə yanə nəticəonən səbəb be əzini.

2-minnə bənd

37. 2-minnə bəndədə votə bedə ki, çı isətnə çərçivə Konvensiya prinsipokü bənav omə həxon iyən ozodətion coylinə iyən deştə ijma üzıvon bə ico bə jimon dəvonie bəbe. Ancax bəyo çı kollektivə həxonkü fərginə həxon iyən ozodətion bə ico riayət karde imkonı zinedən. Ənə iyo bə «co» sıxani hovüjə qətimədə diə karde lozime, iyo əv həm bə millie kami, həməən bə co millie kami iyən bə veni mənşüb bə şəxs aide.

II Pəə

Maddə 4

38. In maddə məğsəd bə millie kamion mənşüb bə şəxson münasibətədə bərobərəti iyən bə çımını-iştəni ro nıdoe prinsipəon təmin kardeye. In maddə müddəəon çı çərçivə Konvensiya kontekstədə sərəse lozime.

1 iyən 2-minnə bəndon

39. 1-minnə bənd iştənədə bı prinsipəon klassik nezbeəti ğoym kardədə. 2-minnə bəndədə nıvıştə bə ki, bə millie kamion mənşüb bə şəxson de bə əhali əsasə qrupi mənşüb bə şəxson arədə təmomə iyən həqiqiyə bərobərəti təmin karde çı həmrəğə şəxson xüsusiə şəroiti bə nəzər se qorə Tərəfonkü xüsusi tədbiron vinde

tələb karde bəzine. In tədbiron bəpe «həmrəğ» bībün, yəni bə proporsionaləti prinsipi bəpe həmrəğ bībü ki, bə co şəxson həxon nıqıno, bə co şəxson münasibətədə bə co-vijneəti ro nıdo. Dı co şeyon bə i vırə, in prinsip tələb kardə ki, joğə tədbiron bəştə drozəti iyən masştabi qorə tam iyən həqiqi bərobərəti rəsero zəruri bə həddikü benışü.

40. Bə çərçivə Konvensiya dı bərobər imkonon prinsipi xüsusi əlağədə bə co müddəa dəğandə bəni. Joğə müddəa dəğandə lozimışon zınəni, bə qorə ki, in prinsip həmonə maddə 2-minnə bəndi işəniku bə nav omedə. Bə co-vijneəti ro nıdoe prinsip 1-minnə bəndədə bə qorə, ənə oyo hərəkət karde ozodəti barədə müddəa dəğandəən lozimışon zınəni.

3-minnə bənd

41. 3-minnə bəndi məğsəd əy izoh kardeye ki, 2-minnə bəndədə bə yod vardə tədbiron bə bərobərəti iyən bə co-vijneəti ro nıdoe prinsipon zid bə gəzinə diə karde lozim ni. Əv bə qorəye ki, bə millie kamion mənsüb bə şəxson dı məxloği əsas qrupi mənsüb bə şəxson arədə həqiqi bərobərəti təmin bıkardo.

Maddə 5

42. In maddə əsasən bə qorəye ki, bə millie kamion mənsüb bə şəxson iştə mədəniyyəti oğəte, əy ozavzinie iyən iştə məişəti oğəte bızınon.

1-minnə bənd

43. 1-minnə bənd bə in məğsədi rəse qorə zəruri şəraitı bino karde barədə ehdımoni nəzərədə qətedə. Vəy millie kami məişəti 4 qılə əsas element aşmardə bə. In müddəa əy nişon doedəni ki, har qırə etnik, mədəni, zıvon iyən dini coəti məcbüri gəydədə millie kami bə əməl vardedə (diəkə: ABƏM eksperton 1991-minnə sori Cenevrədə vindemoni koy barədə hisobot, 2-minnə poə, 4-minnə bənd).

44. Bə «ənənəon» istinad, bə millie gənünədəti iyən beynəlxəlğə normaon zid bə praktikə zü doe iyən əvoni bəqəm karde nişon doedəni. Praktikədə ənənəon bə jimon dəğandə dı ictimai gəydə oğəte barədə tələbonkü bə nav omə məhdüdiyyəton əlağədəy.

2-minnə bənd

45. 2-minnə bəndi məğsəd bə milliə kamion mənsub bə şəxson, bə çəvon iradə ələh, əvoni assimilyasiya kardekü müdafiyəyə. Əyo dı dili assimilyasiya gədəğən bəni.

46. 2-minnə bənd bo Tərəfon ıstə ümümi inteqrasiya siyasəti bardero tədbiron vinde mane bedəni. Dımi bə i vırə, əv sosialə həmrəyəti vəciəti zinedə iyən Navsıxanədə mədəniə ranqrisinəti çı har qılə cəmiyyəti vilo karde ne, hənien ozavziye mənbe iyən amil be barədə arzün ıstənədə nəzərədə qətedə.

Maddə 6

47. In maddə Vyana Deklarasiya 3-minnə Əlavədə (Dı rasizmi, ksenofobiya, anti semitizmi iyən dı dürümnəharde dave barde qorə deklarasiya iyən hərəkəton plan) votə bə norohətətion ifadə kardədə.

1-minnə bənd

48. 1-minnə bəndədə bə tov varde rüfi iyən mədəniyyəton arədə bə dialoqi diğğət doə bedə. Vəy Tərəfon ıstə əroziədə jimon kardə həmmə şəxson dilədə bə i yəndi hürmət, i yəndi bə sə dəşe, çəvon arədə bə əməkdaşəti rəğbət doe əhəmiyyət geyd bə. Təhsil, mədəniyyət, kütləvi informasiya vasitəon ənə oyo xüsusi geyd bən, bə qorə ki, əvon bə im məğsədon rəse qorə mühüm amil hisob bedən.

49. Sosialə həmrəyəti gəym karde qorə in bəndi məğsəd, dı co şeyonən i vırədə, bə co etnikə, mədəniə, zıvonə iyən dinə qrupi mənsub bə şəxson arədə fərğon peğətero bə tov varde iyən mədəniyyəton arədə bə dialoqi gəym karde, həmonnə şəxson məişəti oğəte şərti çəvon arədə bə i yəndi hürmət, i yəndi bə sə dəşe iyən sosialə inteqrasiya ozavziyero fəaliyyət nişon doə mədəniyyəton arə təşkilaton iyən hərəkəton rəğbət doe.

2-minnə bənd

50. In müddəa ABƏM Kopenhagen sənədi 40.2 bəndi təsiri jitono gəbül bə, in ehdımon çı tarslarzi iyən çımını-ıstəni akton, dışmenəti yaən zılmi obyekt be zinə şəxson müdafie kardero nəzərədə qəte bə.

Maddə 7

51. In maddə bə milliə kamion mənsüb bə har qılə şəxsi ənə oyo bə yod vardə bə əsasə ozodətion riayət karde həxi təminat doedə. In ozodətion təbii ki, ümümi xarakterişon heste, yəni çəvon bə şəxson aid be bə milliə kami mənsüm bekü dəvardədəni (bə müğaisəro diə bıkə: AİHK 9, 10, 11-minnə maddəon), əmma əvon həməni bə milliə kamion aidin. Bı səbəbi qorə bə ğərar omən ki, bə Navsıxani komentariya AİHK-də bə yod vardə bə kami ehdımonon dəğandə bıbü.

52. In müddəa bo Tərəfonro bə yod vardə bə ozodətion çı devlətonkü nıomə ğəsdonkü müdafıə karderö kali ehdımonon müəyyən karde bəzıne. AİHK çərçivədə joğö müəyyən ehdımonon be Avropa İnsoni Həxon Məhkəmədə zınəşone.

53. Çı 7-minnə maddə kali ozodətion bə 8 iyən 9-minnə maddə dəşədə.

Maddə 8

54. In maddə, dı 7-minnə maddə müğayisədə, dinə ozodəti barədə ətrofınə ğaydə müəyyən kardədə. Əy çı ABƏM Kopenhagen dəkümenti 32.2, 32.3, 32.6-minnə bəndon kali elementon i qılə müddədə cəm kardəşe. In ozodəti təbii ki, bə həmmə şəxson, həməni bə milliə kamion, bə 4-minnə maddə müvafiq aide. Isətnə kontekstədə in ozodəti xüsüsə əhəmiyyətış be bə nəzər sə bə, bı qorə bəy xüsüsü dığğət co kardə bə.

Maddə 9

55. In maddə, dı 7-minnə maddə müğayisədə, bə sıxanə ozodəti müdafıə barədə ətrofınə ğaydə müəyyən kardədə.

1-minnə bənd

56. In bəndi iminnə cümlə AİHK 10-minnə maddə 1-minnə bəndi 2-minnə cümlə modelı əsasədə tərtib bə. Ənə oyo kami zıvonədə informasiya, ideya se iyən əy bə co kəsi doe xüsüsü ğeyd bıbüən, bəy həməni çı veon iyən co zıvonədə informasiya, ideya se iyən əy bə co kəsi doeən daxile.

57. Çı bəndi 2-minnə cümlədə kütləvi informasiya vasitəon bə dast vardeədə bə co-vijneəti ro nıdoe ehdımon ıstə vırəş sə. «İstə ğanündoəmonə sistemi çərçivədə» sıxanon Tərəfon kütləvi informasiya vasitəon bə dast varde nizom doe ozodəti bə kam karde barədə konstitüsiya müddəon riayət karde qorə oyo noə bə.

2-minnə bənd

58. In bənd AİHK 10-minnə maddə 1-minnə bəndi 3-minnə cümlə modelı əsasədə tərtib bə.

59. Radio, televiziya doəmonı iyən kinomatoqrafiya sahəndə fəaliyyəti icozə co-vijneəti ro doə tədbiron nəzəredə qətedəni, çı obyektiv kriteriyaon əsasədə bino bə. AİHK 10-minnə maddə 1-minnə bəndi 3-minnə cümlədə bə yod nomə ın tələbon ənə oyo dəğəndə bə millie kamion mənsüb bə şəxson müdafiəro hozə bə normativ akti yolə əhəmiyyətikü bə nav omedə.

60. Həmən 3-minnə bəndədə bə rast omə «radio-doəmon» sıxanonən AİHK 10-minnə maddədə həmrəğə cümlədə nıvıştə bəni. Əv isətnə terminəloqiya bə nəzər se qorə bə zıvon vardə bə, imiən çı AİHK 10-minnə maddəkü hiç fərgış ni.

3-minnə bənd

61. Peçatə kütləvi informasiya vasitəon baste iyən əvoni oko doe barədə 1-minnə cümlədə əsasən dəqiq müəyyən nıbə ehdımon nəzəredə qətə bıbüən, 2-minnə cümlə aksenti çı radio – televiziya səhədə bə konkret ehdımonon (məsələn, rısxətə rejim co karde) doədə. In fərgə ozodə rısxətə rejim nırsə iyən radio – televiziya sahə nizom doe zərürətikü bə nav omedə. Ənə oyo bə millie kamion mənsüb bə şəxson kütləvi informasiya vasitəon bino karde qorə pülə vəsaitiro nəve həxe barədə hiçi nıvıştəyən nıbü, ın həx be bimiən ruşine.

4-minnə bənd

62. Məğsədış bə millie kamion mənsüb bə şəxson kütləvi informasiya vasitəon be maneə bə dast varde hoson karde, tov varde rəğbət doe iyən mədəniyyəton pluralizmi təmin karde bə xüsusi tədbiron vinde zərürət bı bəndədə nişon doə bə. «Həmrəğə tədbiron» ifadə 4-minnə maddə 2-minnə bəndi kommentariya vaxti (39-minnə bəndi diəkə) vardə bə səbəbon qorə (həmonə ifadə vəyoən oko doə bə) oko doə bə. In bəndi 9-minnə maddə 1-minnə bəndi oxonnə cümlədə formülirovka bə ehdımonon təmom kardədə. Bı bəndədə bə millie kamion mənsüb bə şəxson bə kütləvi informasiya rəse təmin karde qorə nəzəredə qətə bə tədbiron, məsələn, bo millie kamion radio doəmoniro yaən kamion məsələon əlağədə iyən qrupon arədə dialoqi komək karde yaən əy rəğbət karde əlağədə proqram bino karde qorə müəyyən vəsait co karde be bəzine.

Maddə 10

1-minnə bənd

63. Bə millie kamion mənsüb bə har qılə şəxsi iştə moə zıvonədə bəmanəə oko doe həxe zıne xüsusi əhəmiyyətinə. Kami iştə zıvoni oko doe əçəy iştə məişəti oğətero əsas vasitəonədə qıləye. Im həmən bəy sıxanə ozodətikü oko doe imkoni doədə. «İctimai vırəonədə», məsələn, ictimai vırəonədə dı co şəxson iştiraki yaən be bəvon, iştə zıvonədə qəp jəy nəzəredə qətedə, əmma ım hiç curə, ın maddə 2-minnə bəndi obyekt bə, dı devləti orqanon münasibəti əlağədə ni.

2-minnə bənd

64. In müddəa çı milliə kamion mənsub bə şəxson dı devləti orqanon arədə bə münasibəton həmməni əhotə kardədəni. Əv ancax bə inzibatia orqanon aide. Ənə oyo «inzibatia orqan»i hevüjə mənədə bə sə dəşe lozime, oyo həməni çəvon arədə şə-omə kəsonən daxile. Ənə oyo çı milliə kamion arədə çəvon zıvoni oko doe maliyyə, inzibatia, xüsüsən hərbiə sahəonədə, texnika çətinətion be qorə in müddəa dəqiq müəyyən bəni, bə qorən bə Tərəfon hevüj hərəkət karde imkoni doədə.

65. 2-minnə bəndədə bə yod vardə bə şərtən diyniən i vaxtədə beədə Tərəfon imkoni dilədə cəhd bəkan ki, kami zıvoni bə hüküməti inzibatia orqanon müraciət kardeədə oko doe təmin bıkən. «Realə tələbaton» be devlət bəpe dı obyektiv kriteriyaon əsasədə müəyyən bıkə. Düze, Rozi bə Tərəf bəpe in prinsipi bə jimon dəğande qorə bəpe ıstə zü həmmə bınə, «imkon bə səviyyədə» formülirovka nişon doədə ki, oyo müxtəlif faktoron, xüsüsən marağinə Tərəfi maliyyə resürson bəpe bə nəzər bısəni.

66. Tərəfon kami zıvoni oko doe münasibətədə ehdımonon bə rəsmi zıvoni yaən marağinə tərəfi zıvonon statüsü qınedəni. Hələ çmi bə peşt, in çərçivə Konvensiya zıne-zıne «milliə kamion mənsub bə şəxson ənəhoy yaən ənənəviə jıe coğrafiə rəyononədə» tərifi doədəni. Bə ğərar omən ki, çı ha Tərəfi xüsüsü holon bə nəzər se qorə konkret nıbə formülirovka ğəbül bıkən. «Ənənəvi jimon karde» termin bə tarixi milliə kamion nəy, ancax hələ bı coğrafi rəyononədə jimon kardə milliə kamion aide (həməni diəkə: 11-minnə maddə 3-minnə bənd, 14-minnə maddə 2-minnə bənd).

3-minnə bənd

67. In bənd çı AİHK 5 iyən 6-minnə maddəonədə nişon doə bə kali müddəaon əsasədə bino bə. Əv bə maddəonədə nişon doə bə təminatən çərçivəkü bə biton beşədəni.

Maddə11

1-minnə bənd

68. Bə ehdımonon praktik əhəmiyyəti dığğət doə be qorə, in müddəa joğə formülirovka bə ki, bə Tərəfon, ıstə xüsüsü holon bə nəzər se çərçivədə, əy tətbiq karde imkoni bıdə. Məsələn, çı milliə kami mənsub bə şəxson ıstə familya fonetik forma nıvıstero Tərəfon ıstə rəsmi zıvoni əlifbakü oko doe bəzınen. Dəvardə soronədə ıstə həğiği familyakü məcbüri imtino kardə şəxs yaən çiki familya dı zü dəğış kardə bə, əvon, bə süi-oko doe holon iyən bo cinayət məğsədi familya dəğış karde ro nıdoe çərçivədə, ıstə iminnə familya bərpo karde həxışon hıste. İmi joğə bə sə dəşe lozime ki, Tərəfon milliə kamion müdafie əlağədə bə beynəlxəlgə prinsipən riayət bəkan.

2-minnə bənd

69. In bəndi ehdımon «çı məxloği çəşəvədə ıstə kami zıvonədə levhəon, nıvıştəyon iyən co şəxsiə informasiyaon ehaşte» qorə har kəsi həxe barədəy. Im təbii ki, əy istisno kardədə ni ki, bə millie kami mənsüb bə şəxs əlavə rəsmi zıvoni iyən co millie kami zıvoniküən oko doe bəzine. «Şəxsiə informasiyaon» ifadə rəsmi nıbə har curə informasiya əhotə kardədə.

3-minnə bənd

70. Çı maddə məğsəd ənənəvie vırə nomon, küçə nomon iyən co topoqrafikə informasiyaon bə ictimaiəti nişon doero həməon millie kami zıvonədə nıvışte imkoni hevüj kardeye. In prinsipi bə vırə rosineədə Devlət xüsusi holon, ıstə ğanünədəti çərçivə iyən zərürət beədə dı co devləton dəbastə müqaviləon bə nəzər se bəzine. In müddəə əhotə kardə sahədə Tərəfon dı co devləton müqavilə dəbaste ehdəşon ni. Əmma joğə müqaviləon dəbaste istisno ni. Məvcud bə müğaviləon məcbüri yüridik xarakter çoko bə, jəğəon mandedə. In müddəə millie kami zıvonədə vırəon nomi nıvışte rəsmi zineəti nişon doedəni.

Maddə 12

71. In maddə mədəniyyəton ranqinəti təmin karde qorə millie kamion, həməon çı məxloği əsas hissəon mədəniyyəti, tarixi, zıvoni iyən bə dini aid bə zınəyon novne istiğamətiş sə (diəkə: 6-minnə maddə 1-minnə bənd). Əçəy məğsəd çı çərçivə Konvensiya Navsıxanədə iyən devləton iyən hüküməton yolon Vyana Deklarasiya 2-minnə Əlavədə ıstə vırəj sə prinsipon: tov varde iyən dialoq həvosoti bino kardeye. 2-minnə bəndi siyahi təmom ni, vəy «məktəbə dərşəvonon hozı karderə» sıxanon həm dərşəvonon va doe, həməon əvoni co olkəonədə bə dast varde ğəzinə bə sə dəşe lozime. Həmə səviyyəonədə təhsil se qorə millie kamion mənsüb bə şəxson bərobər imkoni təmin karde barədə ehdımon Vyana Deklarasiyadə ıstə vırəş sə norohətəti ifadə kardədə.

Maddə 13

1-minnə bənd

72. Millie kamion mənsüb şəxson təhsil se iyən mütəxəssis hozı karde sahədə ıstə xüsüsine müəssisəon soxte iyən bəvon yoliəti karde həxe zine barədə Tərəfon ehdımon çəvon təhsil sistemi tələbon, xüsüsən məcbüri təhsili nizom doe predmete. Bı bəndədə nəzərədə qətə bə təhsilə müəssisə, co müəssisəon səpe bə, xüsüsən tədrisi keyfiyyəti barədə nəzarəti məruz be bəzine. Bı sahədə bə tələbon bə vırə rosnie

keyfiyyət bəpə rəsmi zınə bıbü. Bı sahədə bə millie ğanünədəti bəpə bə obyektiv kriteriyaon dəmandon iyən bə co-vijneəti ro nıdə.

2-minnə bənd

1-minnə bəndi bə jimon dəvordone bo marağinə Tərəfon maliyyə ehdımon nəzərədə qətedəni, əmma bı planədə koməkətiən istisna kardədəni.

Maddə 14

1-minnə bənd

74. Millie kamion mənsub bə har qılə şəxsi iştə kami zıvoni ümüte həxe zıne barədə ehdımon bı şəxson işdə məişəti təsdiğ karde iyən oğətero komək kardə ən əsas vasitəonədə qıləye. Bımi münasibətədə hiç qılə istisno be əzını. 2-minnə bəndədə bə yod vardə prinsıpon nıqıne əsasdə ın bənd bo Tərəfonro maliyyə xarakterədə bə hiç qılə pozitiv hərəkəti vinde bə nav vardədəni.

2-minnə bənd

75. ın bənd millie kami zıvonədə zıvoni tədrisi iyən millie kami zıvonədə təhsil seəti aide. Millie kami zıvonədə zıvoni tədrisi əloğədə maliyyə, inzibatie iyən texniki çətinətion zıne be qorə, bı müddəə konkret formülirovka doə bəni, bə qorəən bo Tərəfon hərəkətiro hevüjie spektr noədə. Mümkün bə dərəcədə bo millie kamion iştə kami zıvoni ümüte imkoni bino karde cəhd karde barədə Tərəfon ehdımon müəyyən şərtənkü, xüsüsən əgər bımiro çı millie kamionkü «zərürie tələbat»i hıstekü ehaştə bə. «İmkon bə vırədə» ifadə nişon doədə ki, joğə təhsil çı marağinə Tərəfon malik bə resürsonkü ehaştə bə.

76. Tekstədə zıne-zıne «zərürie tələbat»i tərif doə bəni, konkret nıbə formülirovka bə Tərəfon imkon doədə ki, iştə olkə xüsüsi holon bə nəzər bıstənon. Tərəfon iştə təhsil sistemi xüsüsüyyəton bə nəzər se çərçivədə joğə təhsili təmin karde qorə vasitəon vıjne bəzınen.

77. Bı bəndədə istinad kardə bə alternativ varianton – «ıştə kami zıvoni omüte iyən bı zıvonədə təhsil sero» - i yəndı istisna kardədəni. 14-minnə maddə 2-minnə bənd Devləti millie kami zıvonədə zıvoni tədrisi təmin karde məcbür nıkən, əçəy redaktə bə iştirok bıkə devləton millie kami zıvoni ümüte, millie kami zıvonədə təhsil se təmin karde qorə maneəti kardədəni. Dı qılə zıvonədə təhsil bə ın bəndi məğsədi rəsəro vasitə be bəzıne. ın bəndikü bə nav omə ehdımon detosə məktəbi bə təhsili aid be bəzıne.

3-minnə bənd

78. Moə zıvoni ümüte iyən bı zıvonədə təhsil se imkon bəpe bo rəsmi zıvoni ümüte iyən bı zıvonədə təhsil sero neqativ nəticəon səbəb nıbə. Əsl həğiğətədə rəsmi zıvoni zıne cəmiyyəti həmrəyəti iyən inteqrasiya faktore.

79. İ qıləkü ve rəsmi zıvon bə devlətonədə, ın müddəa tətbiği əloğədə bə məydon omə məsələon bəpe əvon ıştən həll bıkən.

Maddə 15

80. In maddə bə millie kamion mənşüb bə şəxson mədəniə, ictimaiə, iqtisadiə jimonədə iyən devləti koonədə, xüsüsən bə çəvon mənəfe aid bə koonədə səmərinə ıstırok karde qorə zərüri şəraitı bino karde Tərəfonkü tələb kardədə. Har şeykü bə nav əçəy məğsəd bə millie kamion mənşüb bə şəxson dı venə poə təşkil kardə şəxson arədə həğiği bərobərəti nail be komək kardeye. Bə millie kamion mənşüb bə şəxson joğə ıstırokiro zərüri şəraitı təmin karde qorə tərəfon ıştə konstitüsiyə sistemi çərçivədə, dı co şeyon bərobər, jinə tədbiron bino bero koməkəti karde bəzinen:

- dı həmrəğə prosedüraon vasitə dı şəxson, xüsüsən Tərəfon bə çəvon marağon qınə ğanünədətə iyən inzibatıə tədbiron vindeədə, də çəvon nümayəndəti orqanon məşvərət karde;

- bə çəvon marağon qınyə millie iyən regional inkişofi planon iyən proqramon ğıymət doe iyən əvoni bə jimon dəğandero ın şəxson hozo karde;

- ozavziye qorə planədə bə fəaliyyət bəvonro kon nəticəon doe bəzine müəyyən karde məğsədiro, dı ın şəxson i vırədə tədqiqaton barde;

- həm devlət, həmən jinə səviyənədə bə vijnıyə orqanədə ğərar ğəbül karde prosesonədə bə millie kamion mənşüb bə şəxson dı səmərinə ıstırok karde;

- çı idarə karde desentralizasiyə yaən vırəon ıştəniidarə formə.

Maddə 16

81. In maddə məğsəd çı millie kamion mənşüb bə şəxson jimon kardə rəyononədə, çı məxloği proporsional nisbəti dəqəş karde qorə, ısetnə Konvensiya oko doe prinsiponkü bə nav omə həxon iyən ozodətion bə kam karde qorə vində tədbironkü müdafıəye. Bə joğə tədbiron ekspropriatsiya, küç do karde, tojne yaən ın həxon iyən ozodətion məhdüd karde məğsədiro vijnəti dairə sərhədon dəqəş karde məsəl bəzine be (çı vijnəti nəticəon çı ğəsto təhrif karde).

82. Maddə ancax çərçivə Konvensiyakü bə nav omə həxon iyən ozodətion məhdüd karde məğsədiro vində tədbiron ğədəğən kardədə. Joğə bə qərar omən ki, ın ğədəğə ğanüni çərçivədə bə joğə həxon iyən ozodətion məhdüd karde qorə vində tədbiron aid ni. Məsələn, səvon qətero divoji küç karde.

Maddə 17.

83. In maddə bə millie kamion mənsub bə şəxson mədəniyyəti oğate iyən əy ozavzinie, iştə məişəti oğate qorə əhəmiyyətine dı qılə ehdimon nəzərədəş qətə (diəkə: 5-minnə maddə 1-minnə bənd). 1-minnə bəndədə sıxan sərhədi dırozi ozod iyən dincə əlağəon soxtə iyən oqəte həxe, 2-minnə bəndədə isəbü çı ni-hükümətə təşkilaton fəaliyyətədə iştirək karde həxi müdafiə karde (dımı ələğədə 7-minnə maddədə dincə yığnəğon ozodəti iyən cəmiyyətəon ozodəti barədə bə müddəa diəkə) barəkü şıdə.

84. In maddə müddəaon xəyli poə çı ABƏM Kopenhagen dəkümenti 32.4, 32.6-minnə bəndon əsasədə pəğətə bə. Bə gərar omən ki, Devləti dılədə ələğon bino karde iyən oğətəy həxe barədə müddəa bə i sə oyo dənə məcburi ni, bəçəy qoqə bı barədə çı çərçivə Konvensiya co maddəonədə, xüsüsən qırdə be iyən cəmiyyətəon ozodətikü 7-minnə maddədə sehbət şıdə.

Maddə 18

85. In maddə çı Tərəfon züədə bə beynəlxəlgə akton əlavə, millie kamion müdafiəro, əgər bimi xüsusi zərürət histebü, dıtərəfinə iyən vetərəfinə konvensiyaon baste rəğbət doədə. Əv həməən bo trassərhəd əməkdaşəti stimül doədə. Vyana Deklarasiya 2-minnə Əlavədə gəyd be gəzinə, joğə müğaviləon iyən əməkdaşəti bo tov varde, ovc karde, sobitəti iyən əmniyyəti goüm kardero vacibe.

1-minnə bənd

86. Bı bəndədə nəzərədə qətə bə dıtərəfə iyən vetərəfə müğaviləon, misol mədəniyyətə, təhsilə iyən informasiya sahəonədə dəbastə bə müğaviləon be bəzinen.

2-minnə bənd

87. In bəndədə transsərhəd əməkdaşəti vəciəti gəyd bə. Devləton arədə informasiya iyən praktikə mübadilə bo iyəndı bə sə dəşə iyən etibori bino kardero vacibə diləke. Xüsüsən transsərhəd əməkdaşəti imkon doədə ki, həmrəğinə şəxson arzū iyən ehtiyoci qorə imi «siforiş» bıkəy.

Maddə 19

88. In maddə bo məhdüdiyyətəon, gəyd-şərtəon iyən bə dümo oqardero bə imkonon nəzərədə qətedə. Bı çərçivə Konvensiya dəğandə bə ehdimonon co beynəlxəlgə hüğəğə aktonədə təkrar beədə, məsələn, AİHK-də, ancax bə aktonədə nəzərədə qətə bə məhdüdiyyətəon, gəyd-şərtəon iyən bə dümo oqardəyon züşon histe.

Əgər bı çərçivə Konvensiyadə nəzərədə qətə bə ehdımonon co beynəlxəlğə hüğöğə sənədonədə ekvivalentıñon nıbeədə, bəvədə ancax AİNK-də bə məhdüdiyyəton, ğeyd-şerton iyən bə dümo oqardəyon bı məsələonşon dəxıl hıste.

III Pəə

Maddə 20

89. Bə millie kami mənsüb bə şəxs bə millie Konstitüsüya iyən bə millie ğanünədəti riayət karde ğarızoye. Ancax bə milli ğanünədəti in istinad bə Tərəfon həx doədəni ki, sı çərçivə Konvensiya müddəon inkor bıken. Bə millie kami mənsüb bə şəxs həməni co kəsi həxon bəpe hürmət bıke. Dımi əloğədə bə millie kami mənsüb bə şəxsi Devləti səviyyədə kamədə, əmma Devləti konsə reğioni səviyyədə veədə mande bə şəraiti istinad karde bəbe.

Maddə 21

90. In müddəa çı əsasə beynəlxəlğə hüğöğə prinsipion vəciəti ğeyd kardədə iyən bə millie kami mənsüb bə şəxson müdafiə, dı in prinsipion həmrəğ, bə jimon dəğənde ofəyedə.

Maddə 22

91. Əsasədə AİHK 60-minnə maddə mandə in müddəa ümümi məlüm bə prinsipi ifadə kardədə. Əv nişon doədə ki, bə millie kamion mənsüb bə şəxson insoni həxon barədə bəvonro ən ve münasib bə millie iyən beynəlxəlğə aktonkü oko doe bəzinen.

Maddə 23

92. Bı müddədə Navsıxanədə istinad doə bə AİHK dı çərçivə Konvensiyə arədə bə münasibəton diə kardə bedə. Dı hiç qılə şərti çərçivə Konvensiya AİHK-də təminat doə bə həxon iyən ozodətion dəqəş karde əzini. Tərsinə, çı çərsivə Konvensiya müəyyən ka həxon iyən ozodətion, əgər çı AİHK həmrəğə müddəon predmeti aidbü, bəvədə əvon bəpe bə AİHK müddəon həmrəğ izoh bıbü.

IV Pəə

Maddə 24-26

93. Bə çərçivə Konvensiya tətbiği nəzorət karde məğsədiro Rozi bə Tərəfon əy bə vırə rosne səpe mişohidə səlahiyyət bə Naziron Komitə doə bə. Naziron Komitə çı Avropa Şürə üzv nıbə devləton çərçivə Konvensiya vırə rosne mexanizmədə iştiroki şarton müəyyən bəkan.

94. Har qılə Tərəf bə Yolə Katibi mütəmadi iyən çı Naziron Komitəkü bı barədə xahiş daxil beədə çərçivə Konvensiya vırə rosne münasibətədə informasiya vıgandedə. Yolə Katib in informasiyaon bə Naziron Komitə vıgandedə. Konvensiya əsasədə bəştə səpe pəğətə ehdimonon bə vırə rosne qorə gəbül kardə gənünədətə tədbiron iyən co tədbiron barədə informasiya təgdim karde məğsədiro Tərəfon iminnə hisoboti bə Avropa Şürə Yolə Katibi in çərçivə Konvensiya bə çəy münasibətədə bə zü peniştə bə peşt i sori dilədə bəpe bədə. Çı dümonnə hisoboton məğsəd isəbü iminnə hisobotədə bə informasion əlavəye.

95. Konvensiya bə vırə rosne səre səmərinə nəzorəti təmin karde məğsədiro Məşvərətə Komitə təsis bedə. In Məşvərətə Komitə məğsəd, Naziron Komitə çı har qılə Tərəfi isətnə çərçivə Konvensiyadə nıviştə bə prinsipəon bə vırə rosne qorə vində həmrəğə tədbiron müəyyən kardeədə, bəy koməkəti kardeye.

96. In çərçivə Konvensiya bə zü peniştə bə peşt i sori dilədə, millie kamion müdafie sahədə məşhür bə mütəxəsisəon üzvə Məşvərətə Komitə tərkibi iyən prosedüra təsdiğ karde bə Naziron Komitə səlahiyyəti daxile.

97. Çərçivə Konvensiya bə vırə rosne səpe nəzarəti, imkoni daxilədə oşkoəti şəraitədə bəpe bıbəy. Dimi ələğədə məsləhəte ki, in nəzarəti nəticə gəzinə tərtib bə hisoboton iyən co sənədon nəşr karde vində bıbü.

V Poo

98. 27-32-minnə maddəonkü iborət bə oxonnə müddəon Avropa Şürə çərçivədə dəbastə bə konvensiyaon iyən müğaviləon oxonnə maddəon modeli əsasədən. Ənə oyo bo ğeyd-şərti münasibətədə i qılə maddəon ni; bo ğeyd-şərtiro ancax beynəlxəlğə hüğoğədə nəzərədə qətə bə holonədə icazə hıste. Ğərəz 27 iyən 29-i, əmandə maddəon xüsusi izoh tələb kardədəni.

Maddə 27 iyən 29

99. Çərçivə Konvensiya bo Avropa Şürə üzvə devləton iyən Naziron Komitə dəvət kardə co devləton qorən bo ğol kəşero oje. «Co devlət» sıxani jıtono Avropədə Betəhlükəti iyən Əməkdaşəti Təşkilatədə iştirək kardə devlət nəzərədə qətə bedə. Bı müddəonədə Vyana Deklarəsiyaən bə nəzər sə bə. Bəçəy qorə çərçivə Konvensiya bəpe bo üzv nıbə devlətiən oj bıbü (diə bıkə: Avropa Şürə ən yolə səviyyədə bə müşavirə barədə Vyana Deklarəsiya 2-minnə Əlavə).